


ANIA TI ARAMIDEN NO ADDA TSUNAMI WARNING?

- No nasken ti panagbukit, mapaguni dagiti sirena. Ti nakaro ken dakkel a masakupanna a panaglayus iti daga ket mabalin a mapasamak. Adaywan dagiti karayan, waig ken dadduma pay a pagayusan iti danum nga agturonsg iti taaw gapu iti napigsa a dalluyon a parnuay-en ti tsunami.
 - No awanka iti tsunami evacuation zone, agtalinaed iti ayanmo tapno saan a mainayon iti panagadu ti trapiko.
 - Dumngeg kadagiti estasion ti radio iti Maui, kadagiti estasion ti TV iti Hawai'i weno NOAA Weather Radio para iti impormasion ti emerhensiya. (Dagiti national news stations ket mabalin nga awan ti impormasionda maipapan iti Hawai'i)
 - No addakayo iti natao a lugar nga addaan ti natatayag a pasdek, mabalin ti agbakuit nga agpangato weno umuli. Masapul nga agtayag ti pasdek iti saan a nababbaba ngem 10 a kadsaaran ken naaramid iti nalandokan a kongkreto ken masapul a umuli iti maika-4 a kadsaaran weno nangatngato pay tapno natalged.
- Iyakar dagiti bangka weno borko iti naadalem a paset no adda panawen.
- Umadayo kadagiti Tsunami Evacuation Zones agingga a maipaulog ti "All Clear" weno pakdaa nga awanen ti peggad nga aggapu kadagiti opisial iti emerhensiya ti Maui County. Tungpalen dagiti lokal nga autoridad a mangimanehar iti emerhensiya ken dagiti agipatpatungpal iti linteg. Saan nga agsubli kadagiti Tsunami Evacuations Zones agingga a di ideklara dagiti autoridad ti Maui County a natalgeden ti situasion.
 - Dumngeg kadagiti estasion ti radio iti Maui para iti impormasion ti emerhensiya, maipapan kadagiti pagkamangan a pangpubliko a pagyanan iti mabayag ken/weno lugar a pagkiddawan iti kasapulan a tulong.



NO MAKARIKNAKAYO ITI ANIAMAN KADAGITOY A NATURAL A PAGILASINAN A BALLAAG, SUROTEN DAYTOY A BALAKAD:

- Agbakuit a dagus kadagiti natalged a lugar, iti daga nga adayo iti baybay weno kadagiti nangato a disso. Wennno agbakuit nga umuli iti maika-4 a kadsaaran weno nangatngato pay iti kongkreto a pasdek.
- Saanen nga urayen ti opisial a ballaag.
- Magna weno agbisikleta no mabalin.
- Saan nga agimpake kadagiti gamigam weno itantan.
- Saan nga agsubli iti igid ti baybay – mabalin agtultuloy a dumuprak dagiti dadakkel a dalluyon iti sumagmano nga oras.



KASANOAK NGA AGSAGANA?

- Masapul nga ammuendo a naimbag no ti pagnaedanyo, pagtrabahuanyo, pagay-ayamanyo, weno pagdaliasatanyo ket lugar a pagbukitan gapu iti tsunami weno Tsunami Evacuation Zone, pagbukitan gapu iti nakaro a tsunami weno Extreme Tsunami Evacuation Zone weno natalged a lugar weno Safe Zone.
- Adalen a nasayaat ti Tsunami Evacuation Information and Maps online iti www.mauicounty.gov/Emergency, iti lokal a Hawaiian Telcom Pages Telephone Book, weno iti ania man a Libraria a Pangpubliko.
- Mangisagana ti GO BAG madadaan a nakargaan kadagiti napateg a kasapulan. Ti GO BAG ket maysa a klase ti bag, maleta, weno paggianan dagiti kasapulan a mabalin a madagdagus nga awiten iti panawen ti emerhensiya.



MAKA'ALA



ANIA TI ARAMIDEN NO ADDA DAGITI GINGGINED KEN TSUNAMI ITI ADAYO?

Para kadagiti ginggined a mapasamak iti aglawlaw ti Pacific Rim, ammuendo adda pakdaa para iti Tsunami Watch, Advisory, weno Warning para iti Hawai'i. Agpalistakayo para iti Maka'ala, ti Maui County Emergency Alert system.

ANIA TI ARAMIDEN NO ADDA MAPASAMAK A LOKAL A GINGGINED KEN TSUNAMI?

AGPAKLEB

Agpakleb tapno saankayo a matumba gapu iti ginggined.

KUMLEB


Kumleb ken salakniban ti ulo ken tengged babaen ti imayo kontra kadagiti agtinnag a banag. Adaywan dagiti ramramit a sarming ken tawtawa.

KUMPET

Kumpet iti ania man a nalagda a banag a mabalin a pagsalinongan tapno makaakarkayo agingga a malpas ti ginggined.

- Agtalinaed iti ayano agingga a sumardeng ti ginggined. Saan a rummuar agingga a di malpas ti ginggined.
- Mabalin a patauden ti ginggined ti tsunami iti lugaryo ken mabalin a sumangbay iti sumagmamano a minutos laeng. No asidekgayo iti baybay, umakarkayo a dagus iti nangato a paset a maibilang a Safe Zone iti ruar ti Tsunami Evacuation Zone apaman a sumardeng ti ginggined.
- Saanyon nga urayen ti maipaulog a ballaag maipapan iti tsunami.
- Sikakalma a pagnaen weno agbisikleta a mapan iti Safe Zone, saanyo nga imaneho ti luganyo.

ILOKANO



DAGITI IMPORMASION MAIPANGGEPE ITI TSUNAMI

DAGITI MASANSAN A SALUDSOD

Agsagana itatta para iti tsunami

Ammuen dagiti impormasion maipapan iti tsunami tapno makatulong iti pannakasalbar dagiti biag!

IMPORTANTE NGA IMPORMASION A KASAPULAN A MAAMMUANYO




Maui County Emergency Management Agency
www.mauicounty.gov/Emergency
Emergency.Management@mauicounty.gov
Phone (808) 270-7285

MAUI COUNTY

ANIA TI TSUNAMI?

- Dagiti tsunami ket dagiti agsasaruno a nakaam-amak, dadakkel, ken atitiddog a dalluyon iti taaw. Saan a mabalin a langoyen wenco dimo mabalin ti ag-surf iti tsunami gapu ta layusenda ti daga a kas iti mapasamak iti maibuang a karayan (wenco napardas a panagpangato ti danum) saan a makapagsikkosikko ken di mabeltak a kas iti gagangay a dalluyon a pag-surfan. Iyanud dagiti tsunami ania man a salapunenda, a pakaigappuan ti mabalin a pannakadangran.
- Mabalin nga agtultuloy a sumangbay dagiti dalluyon a tsunami iti sumagmamano nga oras, ket sumabbuag ti dalluyon iti kada 10 minutos agingga iti maysa nga oras a ballaet. Mabalin a ti umuna a dalluyon ket saan nga isu ti kadakkelan.
- Kas iti kapardas ti jet liner nga eroplano dagiti tsunami (agarup 500 milia iti kada oras) iti adalem a taaw a ti maparnuay a dalluyon sumagmamano laeng a pulgada ti kangatona.
- No asidegen iti igid ti baybay ti tsunami, bumuntogda ngem ngumatoda la unay dagiti dalluyon. Nakaam-ames ti pigsa ti iduduprak ti tsunami ken dagusenna a layusen dagiti nababa a paset a lugar iti igid ti baybay ken dakkel a pangta daytoy iti biag ken sanikua. Iti historia, adda dagiti lugar iti Hawai'i a nalyus iti agadalem iti nasursuolk a 30 kadapan.
- Dagiti tsunami ket gagangay a patauden dagiti narabaw a ginggined a mapasamak iti tukot ti baybay.
- Dagiti tsunami ket manmano a nagtaud iti panagbettak dagiti bulkan iti lansad ti taaw, panaggregaay, panagdiggay, wenco dagiti matnag a layap.
- Dagiti balay ken babassit a pasdek ket saan a nadisenio a makadaer iti pigsa ti tsunami.



DAGITOY DAGITI NATURAL A PAGILASINAN NO ADDAN UMAS-ASIDEK A TSUNAMI

MARIKNA: Marikna ti panaggaraw ti daga (ginggined) a nakapigpigsa a mariknam a kasla dimo madaeran ti tumakder.

MAKITA: Makitayo ti baybay nga agpababa wenco rumabaw ti danumna, agalluyo, wenco naidumduma ti langana.

MANGNGEG: Mangngegyo ti daranudor ti tsunami nga umasping iti daranudor ti jet nga eroplano wenco tren a pagkargaan dagiti nadadagsen a bamanag.

DAGITI PANAGALERTO A LEVEL TI TSUNAMI (PACIFIC TSUNAMI WARNING CENTER)

• Impormasion a Maipaulog Maipapan iti Tsunami

No adda Naipaulog nga Impormasion maipapan iti Tsunami, awan ti pangta ti tsunami.

• Tsunami Watch

No adda maipaulog a Tsunami Watch, masapul nga agsaganaka tapno makasakbayka ta mabalin a sumangbay ti tsunami.

• Tsunami Advisory

No adda maipaulog a Tsunami Advisory, masapul nga umadayo a dagus iti igid ti baybay ken kadagiti nababa a paset ti igid ti baybay ken agbakuit ken panawan dagiti pagsanglidan ti lantsa wenco yate.

No adda pay panawen, iyakar dagiti bangka wenco barko iti naadalem a paset ti baybay.

Namnamaen a mapasamak ti napigsa nga agus ti danum ken napeligro a dalluyon kadagiti igid ti baybay ken dalan ti danum. Ngem saan a mapasamak ti nakaro a layus.


• Tsunami Warning

No adda maipaulog a Tsunami Warning, panawan a dagus ti Red Tsunami Evacuation Zones wenco dagiti lugar a nalabaga a pagbakuitan no adda tsunami (naisurat iti nabuddak a linia) ken mapan iti Green Safe Zones wenco natalged a lugar a berde kas nailanad iti Tsunami Evacuation Map.

• Extreme Tsunami Warning

No adda maipaulog nga Extreme Tsunami Warning, panawan a dagus ti Yellow Extreme Tsunami Zones (naugedan iti putedputed a linia) ken Red Tsunami Evacuation Zones (naisurat iti nabuddak a linia) iti Green Safe Zones kas nailanad iti Tsunami Evacuation Map.


Ti napigsa a panagginggined nga umabut iti 9+ magnitude ket mabalin mangparnuay iti nakaro a tsunami. Adda laeng 3.5 oras a panagbakuit sakbay ti isasangpet ti umuna a dalluyon.



Tunggal maysa a panagaweng ti sirena ket katukadna ti maysa nga oras a panagdaliasat ti tsunami a sumangbay iti Hawai'i.

KALPASAN TI TSUNAMI: KAANO TI NATALGED A PANAGSUBLI?

- Mabalin a manggubaay iti nakaro a didigra wenco saan unay a nadidira ti tsunami. No nangibunga daytoy iti didigra, maiwayat ti madagdagus a panangsulken ken panangisalakan nga operasion iti bangkag ken baybay. Ti "All Clear" a pammilin a mangipalubos nga agsibli kadagiti naapektaran a lugar ket saan a maipaulog iti uneg ti sumagmamano nga oras wenco aldaw.
- No saan a nangibunga iti didigra ti tsunami, ti "All Clear" a pammilin ket mabalin a maipaulog a mangipalubos ti panagsibli kadagiti lugar iti igid ti baybay. Ngem ti "All Clear" a mangibilin iti panagsibli kadagiti lugar nga ayan ti dandanum ket saan a nasken a maipaulog.
- Mabalin a madidira dagiti lugar iti igid ti baybay gapu iti layus, madadael a balay, ken pasdek, dagiti naiwara a banag, dagiti uram, makasabidong a material (HAZMAT) ken dagiti saan a maaramat a sistema a pagpatulungan (elektrikal, telekomunikasion, kalsada/rangtay, linia ti natural a gas, ken dadduma pay). Ti publiko ket saan a mapalubos a sumrek kadagitoy a lugar agingga a di maikkat dagiti bamanag a naiwara iti dalan.
- Urayen a maipaluog ti "All Clear" wenco pakdaa nga awanen ti peggad manipud kadagiti opisial iti emerhensiya iti Maui County sakbay nga agsibli kadagiti nababa a paset a lugar wenco ayan ti danum.



Mapa a Pagbakuitan no adda Tsunami (Kahului)

FOR MORE INFORMATION:

MAUI COUNTY EMERGENCY MANAGEMENT AGENCY
WWW.MAUCOUNTY.GOV/EMERGENCY
EMERGENCY.MANAGEMENT@MAUCOUNTY.GOV
PHONE (808) 270-7285

INTERNATIONAL TSUNAMI INFORMATION CENTER
PACIFIC TSUNAMI WARNING CENTER
HAWAIIITSUNAMI.ORG TSUNAMI.GOV ITIC.TSUNAMI@NOAA.GOV
PHONE (808) 725-6050